

續天津縣志卷二十

雜記

康熙四十四年閏四月二十六日初建海光寺丑刻破土是夜天陰月黑百工秉草炬忽大風作炬滅須臾風定有白光出地長八九丈百步之內如白晝衆皆駭愕先是十數年前每於殘照中遙見東南有城郭樓臺人馬車騎及花木雞犬之狀紛紜遷變於雲霧間及寺成屢邀

臨幸焉

康熙五十四年五月初十日未刻有三龍同見於

續天津縣志

卷二十

雜記

一

海光寺前之平田鱗甲畢露移時二龍向東南去其一宛轉雲霧間久之乃沒後有人見其墮於前村土井中井漏水尺許居人駭甚禱祝之至三日雷雨大作遂不見

康熙五十六年四月初九日辰刻海光寺西南半里許有龍挂焉首尾爲雲所遮但見龍腹甚白天矯出沒者久之有王姓者紀莊人也素以販牛爲業是日市散驅所乘驢過其下人與驢俱爲龍攫去嗣後或青或白或蒼黃或長二三丈或十餘丈或身或尾或鱗甲常若有火星迸散滿空者每當

春夏之交時復見焉

雍正四年南城樓災樓素儲火藥一日守兵以鐵
錐刮藥觸藥火出樓乘藥飛去藥所觸處牆壁俱
飛人民中之死無算後聞航海者云某日有煙火
飄空自西來墮於海計之卽樓災之日

乾隆二十二年三月漕舟經三汊河中流一舟旋
轉如輪而沈水工探之無跡

乾隆三十一年水師營佛殿鐘自鳴尋災燬銅佛
二三尊初雍正間立水師營先迎佛於西藏而後置
官軍於是官軍懼甚謂佛去矣明年

續天津縣志

卷二十 雜記

二

高宗純皇帝臨幸天津閱水師營裁官軍

乾隆四十八年河東李家樓有雷震死屠驢者初
某與屠者同避雨破廟中某忽如癡醉歸而睡比
醒聞屠者震死自不知何以歸來

乾隆五十四年七月初九日夜大風雷雨浮橋纜
斷南下撞沈鹽艘數十隻溺死者無算初向夕有
節婦舟同繫忽纜開入他灣比曉惟此舟得全
乾隆五十九年十月東沽觀海臺上亭三間被大
風吹去片瓦無遺

嘉慶十一年六月閻家莊海河有巨龜出兩目被

挖越數日死

嘉慶十三年二月初四日南運河冰下至鈔關淨橋屯積如阜移時潰斷浮橋纜冰與橋塞河而下自鈔關抵三汊口池南三岸人觀者如堵皆束手無策壞舟四十餘隻人數十口

嘉慶二十二年二月有豕生子色赤白無毛腿較長四趾如牛蹄首有一肉角彎下垂於鼻端耳外翻二目奏近睛努出甫落地死

以上重訂蔣稿

河北崇禱觀道士得古硯於河濱修一尺廣五寸斑斕不完以墊佛座貢生周焯視之背有程雪樓

續天津縣志

卷二十

雜記

三

銘乃宋謝文節公枋得建陽市賣卜硯也遂珍藏之詠詩云侍郎故宋臣開卦建陽市一硯晨夕隨槁餓硯不棄文海重其賢鴻詞鐫厥背不受薦者名磨滅銘中字世遠知亦稀遺石埋燕地購之歸草堂拂拭日干計古式存敦朴黝光發幽異人奇器自殊萬物資高義我亦懦夫儔對之有立志於是銘其齋曰卜硯山房

又周焯居河東小關見草忽生忽死掘之衆蛇蟠聚中有侯信銅印七峰銅印及他印數枚焯遂自號爲七峰

城西三十五里炒米店村民掘得古鏡斑文紅綠磨之僅餘紅斑一點生員曹湧見而買之上有銘云本是秦時鏡

中堂窪古刹中有香爐五事甚巨金質漆皮上有銘云前漆裏後漆裏金在漆漆裏形質斑斕人俱視爲繡鐵後有湖廣人識其爲金攜之去

津城西門外里許慈惠寺有舊額隸書曰如是菴明周將軍遇吉書

秋坪新語乾隆乙酉天津有婦人攜一幼女行乞於市年三十許衣甚襤褸而舉止嫺雅有大家風

續天津縣志

卷二十

雜記

四

其女約五六歲亦娟潔人叩其姓氏里居不肯言但眉痕慘黛淚落連珠而已久之題一絕句於南城門上不知所往一時和者甚衆詩載藝文

雍正丙午金庶子相由水路入都秋試有鯉躍入舟中是年發解第一

王用亨應童子試有雀集窗櫺捕得之遂入泮甲寅入都秋試有魚躍入舟中是年中魁

曲水園康達夫堯衢別業在城外東南隅後售於別姓猶呼爲康家花園一年池蓮忽開並蒂人以爲瑞次年其曾祖暨從祖相繼歿家遂落達夫有

詩云別業家聲舊津門衆口傳春光沿岸柳異兆
滿池蓮到此拋雙淚於今過百年望中空佇立懷
舊夕陽前

城內鄉祠相傳有異人僑居一日辭去日後樓墨
汚幸見諒出門不知所往僧旋視之東西粉壁平
書進德脩業四大字下遺墨盆又竹竿繫做帚墨
汁淋漓餘無他物壁高尋丈不知其何以書也余
曾與華君承霖訪僧登樓諦視筆法秀勁結構謹
嚴如率更體東署乾隆十一年四月五日九字西
署晉安胡御璣書六字圓活光潤另具一格洵非
凡筆也溯自乾隆至今已歷百餘年墨跡如新望
塲無恙豈有神物呵護其間耶

附編

咸豐癸丑秋津邑勦寇獲勝已見紀略然其間天
人感召良非偶然恐日久傳聞異詞湮沒無徵茲
復備細書之是年八月朔日夜風雨大作城西芥
園河隄陡決天津道張公起鵷再築再決夜有紅
燈隱隱引水南趨居民廬舍無恙而城南一片汪
洋倏成巨浸後乃知雖十萬兵力不及此蓋津邑
無險可守數千團練何以禦七八萬之強寇九月

廿六日戌刻南窪之木筏廿八日巳刻來營之老人莫或使之若或使之此其中殆有天焉邑自春間奉

旨飭地方官會同在籍前浙江巡撫梁寶常等舉辦團練邑紳張錦文捐資助經費並上守禦各策於鹽政文公謙公善之遂發令箭一枝令錦文照辦錦文悉心佈置獨力捐練鋪勇三千餘名自春徂秋雖寇警漸逼而迄無確耗錦文於九月十三日募勇士劉姓者出境偵探廿六日自賊營回始知賊竄入滄境是夜聞傳逆匪已到人心大震錦文夤

夜入縣署謁邑侯謝公子澄曰寇近矣計將安出公曰妙手空空奈何錦文曰已備辦矣隨以票錢四千串交公爲募勇費錦文以賊勢鴟張非有以遏其銳氣不可廿七日黎明募夫萬餘於小稍直口挑挖長濠復以席裹土如鹽包然堆累成礮臺又將預造礮盤六座設於礮臺

錦文以礮位不能轉移乃創爲之可

盤旋

俱卽日工葺復入署見謝公商議機宜謝公

曰昨夜獄犯喧譁恐生變何以處之錦文曰莫若擇其罪不至死者出之激令殺賊贖罪公以爲然請於各憲鹽政文公謙曰誰作保者錦文挺身任

之內有回民劉繼德者甫出獄振臂一呼回民之
奔聚者千餘人遂飭其率赴教場聽用適錦文豫
引運課銀二萬餘兩至錦文儘數易錢分寫四百
文一紙帖票爲發付勇糧等用二十八日寅刻同
城官齊集教場正擬差探突有老人來營曰賊距
十餘里矣隨登礮臺瞭望瞥見賊蜂擁而來奮迅
剽疾至濠而沮邑侯謝公子澄率勇迎勦津鎮特
公克慎親然大礮運使楊公霈督率蘆團抬槍一
齊轟擊我衆繼之而邑人之助戰者復數萬人遂
敗賊於稍直口先是邑人賈慶堂獻策以城南如

澤國不能紮營宜伏排槍防賊偷渡排槍者以佛
郎機置小舟上覆以席推行水中村民用以弋鳧
者也僉呼爲雁戶各官皆以爲然倉卒募齊卽令慶堂

率往設伏是日賊果分股東竄至伏處呼渡雁戶
佯應推舟而前距賊數武號鑼一聲排槍轟發賊
紛紛倒地噉然返奔遂大潰錦文見我軍大獲全
勝恐兵勇饑疲火速回城將預備之饘餅數千筋
輦送大營城中住戶效之亦爭送焉謂之得勝餅
是役也冥漠垂佑衆志成城官民紳董勦力同仇
錦文捐資數萬運以智謀乃克共奏膚功而事機

湊合不可思議說者謂儻逆匪先一日竄津戰守之具未備有不可問者矣天耶人耶迨後戊午庚申海口不靖錦文於事勢危急之際權宜維持力顧大局幾爲譎言蜚語所中傷錦文不爲動而卒無患戊辰捻匪之擾復與閭邑官紳力籌防禦邀天之福盡其人事均得化險爲平里人感錦文保衛功前後贈匾凡數十方旋經大吏入告

溫詔褒美

賞給一品封典

欽頒尙義可風額以光其閭子汝霖因在事出力由道續天津縣志

卷二十 雜記

八

賞加二品頂戴孫鴻壽

恩賜舉人准其一體會試人咸以

宸眷優隆豔稱異數不知錦文禦災捍患自軍興以來閭邑倚爲長城豐功偉烈雖婦孺亦樂道之其人傑矣哉夫天道遠不可知而當時之人事有不容沒者附記篇末以爲好義急功者勸

城西芥園決口前一日隄上有二人徘徊往來一人曰須在何處一人指曰此處即可咸以爲異次夜隄潰卽所指處也

城西南雲霞觀正芥園決口之下游乃水至觀後忽分東西流繞至觀前復合流南趨自津城西南以至滄州之捷地彌望汪洋惟大道僅存匪因水阻東竄迂緩故稍直口得以預備

天津鎮協各兵歷年調外防堵存城無幾九月廿八日之捷僅賴運使楊公霈抬槍五百與梁寶常等所練義民二十八局張錦文所練鋪勇七十二局數千人而已嗣於九年十年同治二四六七等年一有寇警錦文俱照舊團集鋪勇津邑恃以無恐

邑生王某者在城西十二里姜家井訓蒙九月廿八日巳刻忽一人闖入塾中貌皙白而溫雅曰汝弗懼其速具食詢以此村何名距城幾里屯兵若干城已騰出否正探問間突有匪報曰頭陣敗繼報曰二陣敗俄頃又報曰開山王陣亡其人拍案而起匆遽出門西竄有識者曰此卽逆首李開芳云

按小稍直口因勦匪獲勝改名得勝口